

妙法蓮華經憂波提舍卷上

虛

大衆論師婆數縣豆釋

後魏天竺藏菩薩提舍沙門曇摩羅

頂礼正覺海 淨法無為僧 為深利智者
開示毗伽典 祇度辛且尊 及菩薩聲聞
令法自他利 略出勒伽辯 歸命過末世
現在佛菩薩 弘慈降神力 願施我無畏
大悲止四魔 護菩提增長

妙法蓮華經序品第一

如是我聞一時佛住王舍城耆闍崛
山中與大比丘眾萬二千人俱皆是
阿羅漢諸漏已盡無復煩惱心得自
在善得心解脫善得慧解脫心善調
伏入中大龍應作者所作已辦難
諸重擔逮得已利盡諸有結善得正
智心解脫一切心得自在到第一彼岸
菩薩摩訶薩八萬人皆於阿耨多羅
三藐三菩提不退轉皆得陀羅尼大
辯才樂說轉不退轉法輪供養无量
百千諸佛於諸佛所種諸善根常為
諸佛之所稱歎以大慈悲而修身心
善入佛慧通達大智到於彼岸名稱

普聞無量世界能度無數百千眾生
釋曰此經法門初第一品亦現七種
功德成就此義應知何等為七一者
序分成就二者眾成就三者如來欲
說法時至成就四者依所說法威儀
隨順住成就五者依止說因成就六
者大衆現前欲聞法成就七者文殊
師利菩薩答成就

序分成就者此法門中亦現二種勝
義成就此義應知何等為二一者亦
現諸法門中取勝義成就二者亦現
自在功德義成就如王舍城勝於一
切諸餘城舍耆闍崛山勝餘諸山顯
此法門取勝義故如經婆伽婆住王
舍城耆闍崛山中故

眾成就者有四種義故成就亦現應
知何等為四一者數成就二者行成
就三者攝功德成就四者威儀如法
住成就

數成就者諸大衆無數故行成就者
有四種一者謂諸聲聞修小乘行二
者謂諸菩薩修大乘行三者謂諸菩
薩神通自在隨時亦現能修行大乘

妙法蓮華經卷上 第三品 虛

如毘陀波羅菩薩等十六大賢士具
足菩薩不可思議事而常亦現種種
形相謂優婆塞優婆夷比丘比丘尼
等四者謂出家聲聞威儀一定不同
菩薩故

皆是阿羅漢等有十六句亦現聲聞
功德成就

皆於阿耨多羅三藐三菩提不退轉
等有十三句亦現菩薩功德成就

聲聞功德成就者彼十六句三門攝
義亦現應知何等三門一者上上起

門二者惣別相門三者攝取事門
上上起門者謂諸漏已盡故名為阿

羅漢以心得自在故名為諸漏已盡
以無復煩惱故名為心得自在以善

得心解脫善得慧解脫故名為心得
自在以達難能見所見故名為無復

煩惱以善得心解脫善得慧解脫故
名為心善調伏入中大龍者行諸惡

道如平坦路無所拘身應行者已行
應到處已到故應作者作入中大龍

已得對治降伏煩惱之怨敵故所作
已辦者更不後生如相應事已成就

妙法蓮華經卷上 第三品 虛

故難諸重擔者以應作者作所作已
辦後生重擔已捨離故

逮得已利者已捨重擔證涅槃故盡
諸有結者以逮得已利斷諸煩惱因
故善得正智心解脫者諸漏已盡故
一切心得自在者善知見道修道智
故到第一彼岸者善得正智心解脫
善得神通無諍三昧等諸功德故大
阿羅漢等者心得自在到彼岸故衆
所知識者諸王王子大臣人民帝釋
天王梵天王等皆識知故又復聲聞
菩薩佛等是勝智者彼勝智者皆悉
善知是故名爲衆所知識

惣別相門者皆是阿羅漢等十六句
初句是惣餘句別故彼阿羅漢名之
爲應有十五種應義應知何等十五
一者應受飲食卧具供養恭敬等故
二者應將大衆教化一切故三者應
入聚落城邑等故四者應降伏諸外
道等故五者應以智慧速觀察法故
六者應不疾不退說法如法相應不
疲憊故七者應靜坐空閑處飲食衣
服一切資生不積不聚少欲知足故

八者應一向行善行不著諸禪故九
者應行空聖行故十者應行無相聖
行故十一者應行無願聖行故十二
者應降伏世間禪淨心故十三者應
起諸通勝功德故十四者應證第一

義勝功德故十五者應如實知同生
諸衆得諸功德爲利益一切諸衆生
故攝取事門者此十五句攝取十種
功德應知亦現可說果不可說果故
何等爲十一者攝取功德二句亦
現如經諸漏已盡無復煩惱故二者
三句攝取諸功德一句降伏世間功
德如經心得自在故二句降伏出世
間學人功德如經善得心解脫善得
慧解脫故三者攝取不違功德隨順
如來教作故如經心善調伏故四者
攝取勝功德如經人中龍故五者
攝取所應作勝功德所應作者謂能
依法供養恭敬尊重如來如經應作
者作故六者攝取滿足功德滿足學
地故如經所作已辦故七者三句攝
取過功德一者過愛二者過下命供
養恭敬三者過上下界已過學地故

如經難諸重擔故逮得已利故盡諸
有結故八者攝取上上功德如經善
得正智心解脫故九者攝取應作利
益衆生功德如經一切心得自在故
十者攝取上首功德如經到第一彼
岸故

菩薩功德成就者彼十三句二門攝
義亦現應知何等二門一者上支下
支門二者攝取事門

上支下支門者所謂惣別相此義
應知皆於阿耨多羅三藐三菩提不
退轉者是惣相餘者是別相彼不退
轉十種亦現此義應知何等爲十一
者住聞法不退轉如經皆得陀羅尼
故二者樂說不退轉如經大辯才樂
說故三者說不退轉如經轉不退轉
法輪故四者依止善知識不退轉以
身心業依色身攝取故如經供養無
量百千諸佛故於諸佛所種諸善根
故五者斷一切疑不退轉如經常爲
諸佛之所稱歎故六者爲何等何等
事說法入彼彼法不退轉如經以大
慈悲而脩身心故七者入一切智如

實境界不退轉如經善入佛慧故八者依我空法空不退轉如經通達大智故九者入如實境界不退轉如經到於彼岸故十者作所應作不退轉如經能度無數百千衆生故

攝取事門者亦現諸菩薩住何等清淨地中以何等方便於何等境界中作所應作故地清淨者八地已上三地無相行寂靜清淨故方便者有四種一者攝取妙法方便住持妙法以樂說力為人說故二者攝取善知識方便以依善知識作所應作故三者攝取衆生方便以不捨衆生故四者攝取智方便以教化衆生令入彼智故

又復更有攝取事門亦現諸地攝取勝功德不同二乘諸功德故謂第八地中無功用智不同下上故不同下者下功用行不能動故不同上者上無相行不能動自然而行故第九地中得勝進陀羅尼門具足四無尋自在智故第十地中不退轉法輪得受佛位如轉輪王之太子故以得同攝

妙法蓮華經論卷上 第八法 度

功德義故

攝功德成就者亦現依何處依何心依何智依何等境界行依何等能辨故依何處者依善知識故依何心者依教化衆生心畢竟利益一切衆生故依何智者依三種智一者授記密智二者諸通智三者真實智依何等境界行依何等能辨者即三種智所攝應知威儀如法住成就者四種亦現何等為四一者衆圍繞二者前後三者供養恭敬四者尊重讚歎如經今時世尊四衆圍繞供養恭敬尊重讚歎故

如來欲說法時至成就者為諸菩薩說大乘經故此大乘修多羅有十七種名顯示甚深功德應知何等十七太何顯示一名無量義經者成就字義故以此法門說彼甚深法妙境界故彼甚深法妙境界者諸佛如來取勝境界故二名取勝修多羅者於三藏中取勝妙藏此法門中善成就故三名大方廣經者無量大乘門中善成就故隨順衆生根住持成就故四

妙法蓮華經論卷上 第八法 度

名教菩薩法者以為教化根熟菩薩隨順法器善成就故五名佛所護念者以依如來有此法故六名一切諸佛秘密法者此法甚深唯佛知故七名一切諸佛之藏者如來功德三昧之藏在此經故八名一切諸佛秘密者以根未熟衆生等非受法器不授與故九名能生一切諸佛經者聞此法門能成諸佛大菩提故十名一切諸佛之道場者以此法門能成諸佛阿耨多羅三藐三菩提非餘修多羅故十一名一切諸佛所轉法輪者以此法門能破一切諸障導故十二名一切諸佛堅固舍利者謂如來真實法身於此修多羅不敗壞故十三名一切諸佛大巧方便經者依此法門成大菩提已為衆生說天人聲聞辟支佛等諸善法故十四名說一乘經者以此法門顯示如來阿耨多羅三藐三菩提究竟之體彼二乘道非究竟故十五名第一義住者以此法門即是諸佛如來法身究竟住處故十六名妙法蓮華經者有二種義何

妙法蓮華經論卷上 第九法 度

等二種一者出水義以不可盡出離小乘泥濁水故又復有義如彼蓮華出於泥水喻諸聲聞得入如來大衆中坐如諸菩薩坐蓮華上聞說如來無上智慧清淨境界得證如來深密藏故二華開義以諸衆生於大乘中其心性弱不能生信是故開示諸佛如來淨妙法身令生信心故十七名取元量名句字身有頻婆羅阿閼婆等舒盧迦故此十七句法門是慈餘句是別如經為諸菩薩說大乘經名無量義如是等故

依所說法威儀隨順住成就者亦現依何等何等法說法依三種法故一者依三昧成就三昧成就二種亦現一者成就自在力身心不動故二者離一切障隨自在力故此自在力復有二種一為隨順衆生不見對治攝取覺菩提分法故二為對治無量世來堅執煩惱故如經佛說此經已結加跌坐入於無量義處三昧身心不動如是等故二者依器世間三者依

衆生世間震動世界及知過去無量劫事如是等故如經是時天雨曼陀羅花次第乃至歡喜合掌一心觀佛故依止說因成就者為諸大衆亦現異相不思議事大衆見已生希有心渴仰欲聞生如是念如來今者應為我說故名依止說因成就就是故如來放大光明亦現他方諸世界中種種諸事故先為大衆亦現外事六種震動等次為亦現此法門中內證甚深微密之法又依器世間衆生世間數種種量種種具足煩惱差別具足清淨差別佛法弟子差別亦現三寶故復乘差別有世界有佛有世界無佛令衆生見修行者未得果得道者已得果如經諸修行得道者故數種種者亦現種種觀略說四種觀一者食二者聞法三者修行四者樂如經亦時佛放眉間白毫相光次第乃至以佛舍利起七寶塔故行菩薩道者教化衆生依四攝法方便攝取此義應知如經所說當自推取

問一人者多人欲聞生希有心是故唯問文殊師利如是亦現世尊弟子隨順於法不相違故今佛世尊現神變相者為何等義為說大法故現大相以為說因現大相者為說妙法蓮華經故現大瑞相為說如來所得妙法不可思議等文字章句故有二種義是故仰推文殊師利何等為二者現見諸法故二者辯諸因緣唯自內心成就彼法故亦現種種瑞相者以為亦現彼彼事故如彼事相現沒住滅應當善知以文殊師利能記彼事故以文殊師利所作成就因果成就現見彼法故所作成就者此有二種一者功德成就二者智慧成就因成就者一切智成就故又復有因謂緣因故緣因成就者衆相具足故果成就者說大法故種種異異佛國土者為此亦現彼國土中種種異異差別應知淨妙國土者謂無煩惱衆生住處如經照於東方萬八千世界次第乃至悉見彼佛國界莊嚴故如來為上首者諸菩薩等依如來住故

以彼如來於彼國土諸大衆中得自在故如經又見彼土現在諸佛如是等故

自此以下次明聖者文殊師利以宿命智現見過去因相果相成就十事如現在前是故能答弥勒菩薩云何現見過去因相謂文殊師利自見已身曾於彼彼諸國土中屢屢修行種種行事故云何現見過去果相謂文殊師利自見已身是過去世妙光菩薩於彼佛所聞此法門為衆生說故何等名為成就十事一者現見大義因成就二者現見世間文字章句意甚深因成就三者現見希有因成就四者現見勝妙因成就五者現見受用大因成就六者現見攝取一切諸佛轉法輪因成就七者現見善堅實如來法輪因成就八者現見能進入因成就九者現見憶念因成就十者現見自身所經事因成就

大義因成就者八句亦現此義應知何等為八一者欲論大法二者欲雨大法雨三者欲擊大法鼓四者欲建

大法幢五者欲燃大法燈六者欲吹大法曇七者欲不斷大法鼓八者欲說大法此八句欲亦現如來欲論大法等故

何等名為八種大義謂有疑者為斷疑故已斷疑者增長淨熟彼智身故振淨熟者為說二種微密境界一者聲聞微密境界二者菩薩微密境界大法鼓者二句亦現以遠聞故入密境界者今彼進取上上清淨義故進取上上清淨義者今彼進取一切種智得現見故今彼進取一切種智得現見者為一切法建立名字章句義故建立名字章句義者今入不可說證智轉法輪故

現見世間名字章句意甚深因成就者如經我於過去諸佛曾見此瑞次第乃至故現斯瑞故

現見希有因成就者以無量時不可得故不可思議不可稱不可量者亦現過彼阿僧祇劫不可得故又復亦現五種劫故所謂一夜二晝三月四時五年亦現無量無邊諸法故如經

如過去無量無邊不可思議阿僧祇劫今時有佛号日月燈明次第乃至今得阿耨多羅三藐三菩提成一切種智故

現見勝妙因成就者亦現諸佛及諸菩薩自受用故如經次復有佛亦名日月燈明次第乃至所可說法初中後善故

現見受用大因成就者是時王子受勝妙樂各捨出家復彼大衆於今許時心不疲倦故如經其軍後佛未出家時次第乃至佛授記已便於中夜入無餘涅槃故

現見攝取一切諸佛轉法輪因成就者法輪不斷故如經佛滅度後妙光菩薩持妙法蓮華經滿八十小劫為人演說故

現見善堅實如來法輪因成就者佛滅度後無量時說故如經日月燈明佛八子皆師妙光次第乃至皆今堅固阿耨多羅三藐三菩提心故

現見能進入因成就者彼諸王子得大菩提故如經是諸王子次第乃至

皆成佛道故

現見憶念因成就者為他說法利益他故如經其最後成佛者名曰然燈次第乃至尊重讚歎故

現見自身所經事因成就者以自身受勝妙樂故如經弥勒當知次第乃至佛所護念故汝等求名者亦現知彼過去事故又復亦現今得彼法皆具足故又依義攝三故一與說故如經今佛世尊欲說大法等故二成如實說故如經我於過去曾見等故三令待說故如經諸人今當知等故自此已下亦現所說法因果相應知方便品第二

經曰今時世尊入甚深三昧正念不動以如實智觀從三昧安詳而起起已即告尊者舍利弗言舍利弗諸佛智慧甚深無量其智慧門難見難覺難知難解難入如來所證一切聲聞辟支佛等所不能知何以故舍利弗如來應正遍知已曾親近供養无量百千萬億無數諸佛於百千億那由他佛所盡行諸佛所修阿耨多羅三

妙法蓮華經論卷三 第十六 虛

藐三菩提法舍利弗如來已於無量百千億那由他劫勇猛精進所作成就名釋普聞舍利弗如來畢竟成就希有之法舍利弗難解之法如來能知舍利弗難解法者諸佛如來隨宜所說意趣難解一切聲聞辟支佛等所不能知何以故舍利弗諸佛如來自在說因成就故舍利弗如來成就種種方便種種知見種種觀念種種言辭舍利弗吾從成佛已來於彼彼處廣演言教無數方便引導眾生於諸著處令得解脫舍利弗如來知見方便到於彼岸舍利弗如來知見廣大深遠無障無導力無所畏不共法根力菩提分禪定解脫三昧三摩跋提皆已具足舍利弗諸佛如來深入無際成就一切未曾有法舍利弗如來能種種分別巧說諸法言辭柔軟悅可眾心止舍利弗不須復說舍利弗佛所成就第一希有難解之法舍利弗唯佛與佛說法諸佛如來能知彼法究竟實相舍利弗唯佛如來知一切法舍利弗唯佛如來能說一切

妙法蓮華經論卷三 第十七 虛

法何等法云何法何似法何相法何體法何等云何何似何相何體如是等一切法如來現見非不現見

釋曰今時世尊入甚深三昧正念不

動以如實智觀從三昧安詳而起起已即告舍利弗者亦現如來得自在

力故如來入定無能驚寤故何故唯

告尊者舍利弗不告其餘聲聞等者

隨深智慧與如來相應故何故不告

諸菩薩者有五種義一者為諸聲聞

所應事故二者為諸聲聞迴心趣向

大菩提故三者護諸聲聞恐怯弱故

四者為令餘人善思念故五者為諸

聲聞不起所作已辦心故諸佛智慧

甚深無量者為諸大衆生尊重心畢

竟欲聞如來說故言甚深者顯亦二

種甚深之義應如是知何等為二一

者證甚深謂諸佛智慧甚深無量故

二者阿含甚深謂智慧甚深無量

故言甚深者此是總相餘別相證甚

深者五種亦現一者義甚深謂依何

等義甚深故二者實體甚深三者內

證甚深四者依止甚深五者無上甚

妙法蓮華經論卷三 第十八 虛

深何者甚深謂大菩提大菩提者如來所證阿耨多羅三藐三菩提故云何甚深一切聲聞辟支佛等所不能知故名甚深言智慧者謂一切種一切智慧故如經諸佛智慧甚深无量其智慧門難見難覺難知難解難入一切聲聞辟支佛等所不能知故阿含甚深者八種亦現一者受持讀誦甚深如經已曾親近供養无量百千萬億無數諸佛故二者修行甚深如經於百千萬億那由他佛所盡行諸佛所修阿耨多羅三藐三菩提法故三者果行甚深如經舍利弗如來已於無量百千億那由他劫勇猛精進所作成就故四者增長功德心甚深如經名稱普聞故五者快妙事心甚深如經舍利弗如來畢竟成就希有之法故六者無上甚深如經舍利弗難解之法如來能知故七者入甚深入甚深者名字章句意難得故自以任持不同外道說因緣法名為甚深如經舍利弗難解法者諸佛如來隨宜說法意趣難解故八者不共聲聞

妙法蓮華經憂波提舍卷上

甲辰歲高麗國大藏都監奉

勅雕造

妙法蓮華經論卷上 第二十

法

妙法蓮華經憂波提舍卷下 虛

大乘論同義疏原且釋

後魏天竺三藏法師鳩摩羅什口譯

方便品之餘

如是已說妙法功德具足次說如來法師功德成就應知如經何以故舍利弗諸佛如來自在說因成就故如來成就四種功德故能度眾生何等為四一者住成就如經舍利弗如來成就種種方便故種種方便者謂從兜率天中退沒乃至示現入涅槃故二者教化成就如經種種知見故種種知見者示現涼淨諸因故三者功德畢竟成就如經種種念觀故種種念觀者以說彼法成就因緣如法相應故四者說成就如經種種言辭故種種言辭者以四無導智依何等何等名字章句隨何等何等眾生能受而為說故又復有義種種方便者種種方便亦現外道所有邪法如是如是種種過失故種種方便亦現諸佛所有正法

如是如是種種功德故如經舍利弗
吾徒成佛已來廣演言教無數方便
引導衆生於諸著處令得解脫故又
無數方便者方便令入諸善法故又
方便者斷諸疑故又方便者令入增
上勝智中故又方便者依四攝法攝
取衆生令得解脫故諸著處者彼處
處者或著諸界或著諸地或著諸分
或著諸乘著諸界者謂著欲色無色
界故著諸地者謂著界故依於三昧
取禪定地謂初禪地乃至非想非非
想地及取滅盡定地等故著諸分者
謂著在家出家分故著在家分者著
已同類作種種業邪見等故著出家
分者著名聞利養種種覺煩惱等故
著諸乘者著聲聞乘菩薩乘故著聲
聞乘者樂持小乘戒求須陀洹斯陀
含阿那含阿羅漢等故著大乘者謂
著利養供養恭敬等故著分別觀種
種法相乃至佛地故

又復種種知見者自身成就不可思
議勝妙境界與諸聲聞菩薩等故如
經舍利弗如來知見方便到於彼岸

妙法蓮華經卷下 第二緣 虛

故到彼岸者勝餘一切諸菩薩故
又復種種念觀者如經舍利弗如來
知見廣大深遠無障無碍力無所畏
不共法根力菩提分禪定解脫三昧
三摩跋提皆已具足故又第一成就
可化衆生依善知識而成故第二
成就根熟衆生令得解脫故第三成
就力家自在淨降伏故第四成就復
有七種一者種種成就如經舍利弗
諸佛如來深入無際成就一切未曾
有法故二者言語成就謂得五種美
妙音聲言語說法如經如來能種種
分別巧說諸法言辭柔更悅可衆心
故三者相成就如經止舍利弗不須
復說故有法器衆生心已滿足故四
者堪成就所有一切可化衆生皆知如
來成就希有勝功德能說法故如經舍
利弗佛所成就第一希有難解之法故
五者無量種成就說不可盡如經舍
利弗唯佛與佛說法諸佛如來能知
彼法究竟實相故言實相者謂如來
藏法身之體不變義故六者覺體成
就如來所說一切諸法唯佛如來自

妙法蓮華經卷下 第三緣 虛

證得故如經舍利弗唯佛如來知一
切法故七者隨順衆生意為說修行
法成就彼法何等如是等故如經舍
利弗唯佛如來能說一切法故第一
種種法門攝取衆生故第二令不散
亂住故第三令取故第四令得解脫
故第五令彼修行成就得對治法故
第六令彼修行進趣成就故第七令
得修行不退失故此七種法為諸衆
生自身所作善成就故又與教化令
成就者與二種法令彼成就何等為
二一與證法二與說法一與證法令
成就者謂依證法而授與故二與說
法令成就者謂依說法而說與故此
二種法如向前說依此二法有何次
第而得修行即彼前文重說應知
又依證法復有五種一者何等法二
者去何法三者何似法四者何相法
五者何體法故何等法者謂聲聞法
辟支佛法諸佛法故去何法者謂起
種種諸事說故何似法者依三種門
得清淨故何相法者謂三種義一相
法故何體法者無二體故無二體者

妙法蓮華經卷下 第四緣 虛

謂無量乘唯一佛乘無二乘故

又復有義何等法者所謂有為無為法等云何法者謂因緣法非因緣法等何似法者所謂常法無常法等何相法者謂生等三相法不生等三相法何體法者謂五陰體非五陰體故又何似法者謂無常法有為法因緣法又何相法者謂可見相等法又何體法者所謂五陰能取可取以五陰是苦集體故又五陰者是道諦體故復有異義依說法說何等法者所謂名句字身等故云何法者謂依如來所說法故何似法者謂能教化可化者故何相法者依音聲取以依音聲取彼法故何體法者謂假名體法相義故

自此已下次依亦現三種義說一者決定義二者疑義二者依何事疑義應當善知

決定義者有聲聞方便得證深法作決定心於聲聞道中得方便涅槃證故如是二種證法亦現有為無為法故如經今時大衆中有諸聲聞漏盡

妙法蓮華經論卷下 第五張 虛

阿羅漢次第乃至亦得此法到於涅槃故言疑義者謂諸聲聞辟支佛等不能得知是故生疑如經而今不知是義所趣故依何事疑義者聞如來說聲聞解脫與我解脫不異不別是故生疑謂生疑者生因中疑此事云何此事云何此以如來數數為說甚深境界前說甚深後說甚深不同聲聞以如是故生疑如經今時舍利弗知四衆心疑次第乃至而說偈言

自此以下次依亦現四種事說一者決定心二者因授記三者取授記四者與授記應當善知云何決定心已生驚怖者令斷驚怖以為利益三種人故是故如來有決定心此驚怖者五種應知

一者損驚怖謂小乘衆生如所聞聲取以為實謗無大乘起如是心如來說言阿羅漢果究竟涅槃我畢竟取如是涅槃是故羅漢不入涅槃如是驚怖

二者多事驚怖謂大乘衆生聞菩薩道劫數長遠種種苦行起如是心佛

妙法蓮華經論卷下 第六張 虛

道長遠我於無量無邊劫中行菩薩行久受勤苦如是念故生驚怖心以是故起取異乘心如是驚怖

三者顛倒驚怖謂心分別有我我所種種身見諸不善法如是驚怖

四者心悔驚怖謂大德舍利弗等起如是心言我不應修證如是小乘之法如是悔已心即自止即此心悔名為驚怖此義應知

五者誑驚怖謂增上慢聲聞之人起如是心云何如來誑於我等如是驚怖

因授記者如經止止舍利弗不須復說若說是事一切世間諸天人等皆生驚怖故此因授記皆生驚怖者有三種義一者欲令彼諸大衆推求甚深妙境界故二者欲令彼諸大衆生尊重心畢竟欲聞如來說故三者欲令諸增上慢聲聞之人捨離法座而起去故第二請者亦現過去无量諸佛教化衆生如經是會無數次第乃至聞佛所說則生敬信故第三請者亦現今佛教化衆生如經今此會中

妙法蓮華經論卷下 第七張 虛

如我等此次第乃至長夜安隱多所
饒益故取授記者以舍利弗等欲得
授記如經佛告舍利弗汝已三請豈
得不說汝今諦聽如是等故

與授記者六種應知一者未聞令聞
二者說三者依何等義四者令住五
者依法六者遮未聞者令聞如經舍
利弗如是妙法諸佛如來時乃說之
如優曇鉢華如是等故

說者如經舍利弗我以無數方便種
種因緣譬喻言辭演說諸法如是等
故種種因緣者所謂三乘彼三乘者
唯有名字章句言說非有實義以彼
實義不可說故

依何等義者如經舍利弗諸佛世尊
唯以一大事因緣故出現於世如是
等故一大事者依四種義應當善知
何等為四一者無上義唯除如來一
切智知更無餘事如經欲開佛知見
令眾生知得清淨故出現於世故佛
知見者如來能證以如實知彼深義
故二者同義謂諸聲聞辟支佛佛法
身平等如經欲示眾生佛知見故出

妙法蓮華經疏卷下 第八疏 虛

現於世故法身平等者佛性法身無
差別故三者不知義謂諸聲聞辟支
佛等不能知彼真實處故此言不知
真實處者不知究竟唯一佛乘故如
經欲令眾生悟佛知見故出現於世
故四者令證不退轉地亦現欲與無
量智業故如經欲令眾生入佛知見
故出現於世故又復示者為諸菩薩
有疑心者令知如實修行故又悟入
者未發心者令發心故已發心者令
入法故又復悟者令外道眾生覺
悟故又復入者令得聲聞小乘果者
入菩提故

今住者如經舍利弗但以一佛乘故
為眾生說法故

依法者如經舍利弗過去諸佛以無
量無數方便種種譬喻因緣念觀方
便說法是法皆為一佛乘故如是等
故言譬喻者如依牛故得有乳酪生
酥熟酥及以醍醐此五味中醍醐第
一小乘不如其猶如乳大乘為最猶
如醍醐此喻所明大乘無上諸聲聞
等亦同大乘無上義故聲聞同者此

妙法蓮華經疏卷下 第九疏 虛

中亦現諸佛如來法身之性同諸凡
夫聲聞之人辟支佛等法身平等無
差別故此義皆是譬喻示現因緣之
義如前所說言念觀者小乘諸中人
無我等大乘諸中真如實際法界法
性及人無我法無我等種種觀故言
方便者於小乘中觀陰界入狀苦難
苦得解脫故於大乘中諸波羅蜜以
四攝法攝取自身他身利益對治法
故遮者如經舍利弗十方世界中尚
無二乘何況有三如是等故無二乘
者謂無二乘所得涅槃唯有如來證
大菩提究竟滿足一切智慧名大涅
槃非諸聲聞辟支佛等有涅槃法唯
一佛乘故一佛乘者依四種義說應
當善知如來依此六種授記是故前
說何等法去何法何似法何相法何
體法如是示現何等法者謂未曾聞
故云何法者謂種種言辭譬喻顯說
故何似法者所謂唯為一大事故何
相法者為隨眾生器說諸佛法故何
體法者所謂唯有一乘體故一乘體
者所謂諸佛如來平等法身彼諸聲

妙法蓮華經疏卷下 第十疏 虛

聞辟支佛乘非彼平等法身之體以因果行觀不同故

自此以下如來說法為斷四種疑心應知何等四疑一疑何時說二疑云何知是增上慢人三疑云何堪說四疑云何如來不成妄語何時說者諸佛如來於何等時起種種方便說法為斷此疑如經舍利弗諸佛出於五濁惡世所謂劫濁如是等故云何知是增上慢人者如來不為增上慢人而說諸法云何知彼是增上慢為斷此疑如經若有比丘實得阿羅漢者若不信是法無有是處如是等故云何堪說者從佛聞法而起謗心如來應是不堪說人云何不成不堪說人為斷此疑如經除佛滅度後現前無佛如是等故云何如來不成妄語者此以如來先說法異今說法異云何如來不成妄語為斷此疑如經舍利弗汝等應當一心信解受持佛語諸佛如來言無虛妄無有餘乘唯一佛乘故

乃至童子戲聚沙為佛塔如是諸人

等皆已成佛道者謂發菩提心行菩薩行者所作善根能證菩提非諸凡夫及決定聲聞本來未發菩提心者之所能得如是乃至小位頭等皆亦如是

辟喻品第三

尊者舍利弗所說偈言

金色三十二 十力諸解脫 同共一法中而不得此事 八十種妙好 十八不共法如是等功德 而我皆已失

釋曰此偈亦現何義尊者舍利弗自可責身言我不見諸佛不往諸佛所及聞佛說法不供養恭敬諸佛無利益眾生事於未得法退尊者舍利弗作如是等可責自身不見佛者亦現不見諸佛如來大人之相不生恭敬供養心故往佛所者亦現教化眾生力故放金色光明者亦現見佛自身異身獲得無量諸功德故聞說法者亦現能作一切眾生之利益故力者亦現眾生有疑依十種力斷彼疑故供養者亦現能教化眾生力故十八不共法者亦現遠離諸障是故恭敬

者亦現出生無量福德依如來教得解脫故以人無我及法無我一切諸法皆平等是故尊者舍利弗自可責身言我未得如是法故於未得中退故

自此以下次為七種具足煩惱染性眾生說七種喻對治七種增上慢心此義應知

又復次為三種染慢無煩惱人三昧解脫身等染慢對治此故說三種平等此義應知

身下并本有見字

何者七種具足煩惱染性眾生一者求勢力人二者求聲聞解脫人三者大乘人四者有定人五者無定人六者集功德人七者不集功德人何等七種增上慢心云何七種譬喻對治一者顛倒求諸功德增上慢心謂世間中諸煩惱染熾然增上而求天人勝妙境界有漏果報對治此故為說火宅譬喻應知二者聲聞一向決定增上慢心自言我乘與如來乘等無差別如是倒取對治此故為說窮子譬喻應知

三者大乘一向決定增上慢心起如是意無別聲聞辟支佛乘如是倒取對治此故為說雲雨譬喻應知

四者實無謂有增上慢心以有世間三昧三摩跋提實無涅槃生涅槃想如是倒取對治此故為說化城譬喻應知

五者散亂增上慢心實無有定過去雖有大乘善根而不覺知不覺知故不求大乘狹劣心中生虛妄解謂第一乘如是倒取對治此故為說繫寶珠譬喻應知

六者實有功德增上慢心聞大乘法取非大乘如是倒取對治此故為說輪王解自驕中明珠與之譬喻應知七者實無功德增上慢心於第一乘不曾修集諸善根本聞第一乘心中不取以為第一如是倒取對治此故為說醫師譬喻應知第一人者亦世間中種種善根三昧功德方便令喜然後令入大涅槃故第二人者以三種乘諸佛如來平等說法隨諸眾生

妙法蓮華經論卷下 第七疏 虛

善根種子而生芽故第四人者方便

今入涅槃城故涅槃城者所謂諸禪

三昧城故過彼城已然後令入大涅槃

城故第五人者亦其過去所有善

根今憶念已然後教令入三昧故第

六人者說大乘法以此法門同十地

行滿諸佛如來密與授記故第七人

者根未淳熟為今熟故如是示現得

涅槃量為是義故如來說七種譬喻

何者三種無煩惱人三種深悟所謂

三種顛倒信故何等為三三者信種

種乘異二者信世間涅槃異三者信

彼此身異為對治此三種深悟故說

三種平等應知

何者名為三種平等云何對治一者

乘平等謂與聲聞授菩提記唯一大

乘無二乘故是乘平等無差別故二

者世間涅槃平等以多寶如來入於

涅槃世間涅槃彼此平等無差別故

三者身平等多寶如來已入涅槃復

示現身自身他身法身平等無差別故

如是三種無煩惱人深悟之心見彼

此身所作差別不知彼此佛性法身

妙法蓮華經論卷下 第七疏 虛

意平等故謂即此人我證此法故彼人不得此對治故與諸聲聞授記應知

問曰彼聲聞等為實成佛故與授記

為不成佛與授記耶若實成佛菩薩

何故於無量劫修集無量種種功德

若不成佛云何與之虛妄授記答曰

彼聲聞等得授記者得決定心非謂

聲聞成就法性如來依彼三種平等

說一乘法以佛法身聲聞法身平等

無異故與授記非即具足修行功德

是故菩薩功德具足諸聲聞人功德

未足

言授記者六處示現五是佛記一菩

薩記如來記者謂舍利弗大迦葉等

眾所知識名号不同故別與記富樓

那等五百人千二百等同一名故俱

時與記學無學等皆同一号又復非

是眾所知識故同與記如來與彼提

婆達多授別記者亦現如來無怨惡

故與比丘尼及諸天女授佛記者亦

現女人在家出家修菩薩行皆證佛

果故與授記菩薩記者如下不輕菩

妙法蓮華經論卷下 第七疏 虛

薩品中亦現應知禮拜讚歎作如是言我不輕汝汝等皆當得作佛者亦現衆生皆有佛性故

言聲聞人得授記者聲聞有四種一者決定聲聞二者增上慢聲聞三者退菩提心聲聞四者應化聲聞二種聲聞如來授記謂應化者退已還發菩提心者若決定者增上慢者二種聲聞根未熟故不與授記菩薩與授記者方便令發菩提心故

又依何義佛說三乘名為一乘依同義故授諸聲聞大菩提記言同義者以佛法身聲聞法身彼此平等無差別故以諸聲聞辟支佛等乘不同故有差別以彼二乘非大乘故如來說言不離我身是無上義一切聲聞辟支佛等二乘法中不說此義以其不能如實解故以是義故諸菩薩等行菩薩行非為虛妄無上義者自餘經文明無上義無上義者略有十種此義應知何等為十一者亦現種子無上故說兩辟喻汝等所行是菩薩道者謂發菩提心退已還發者前所修

妙法蓮華經論卷下 第七上 然

行善根不滅同後得果故二者亦現行無上故說大通智勝如來本事等三者亦現增長力無上故說商主辟喻四者亦現令解無上故說繫寶珠辟喻五者亦現清淨國土無上故亦現多寶如來塔六者亦現說無上故說解脫中明珠辟喻七者亦現教化衆生無上故地中踊出无量菩薩摩訶薩等八者亦現成大菩提無上故亦現三種佛菩提故一者亦現應佛菩提隨所應見而為亦現如經皆謂如來出釋氏宮去伽耶城不遠坐於道場得成阿耨多羅三藐三菩提故二者亦現報佛菩提十地行滿足得常涅槃證故如經善男子我實成佛已來无量無邊百千萬億那由他劫故三者亦現法佛菩提謂如來藏性淨涅槃常恒清涼不變等義如經如來如實知見三界之相次第乃至不如三界見於三界故三界相者謂衆生界即涅槃界不離衆生界有如來藏故無有生死若退若出者謂常恒清涼不變義故亦無在世及滅度者

妙法蓮華經論卷下 第七上 然

謂如來藏真如之體不即衆生界不離衆生界故非實非虛非如非異者謂離四種相有四種相者是無常故不如三界見於三界者謂佛如來能見能證真如法身凡夫不見故是故經言如來明見無有錯謬故我本行菩薩道今猶未滿者以本願故衆生界未盡願非究竟故言未滿非謂菩提不滿足也所成壽命復倍上數者此文亦現如來命常善巧方便顯多數故過上數量不可數知我淨土不毀而衆見燒盡者報佛如來真實淨土第一義諦之所攝故九者亦現涅槃無上故說譬師辟喻十者亦現勝妙力無上故自餘經文亦現應知多寶如來塔亦現一切佛土清淨者亦現諸佛實相境界中種種諸寶間錯莊嚴故亦現有八一者塔二者量三者略四者住持五者亦現無量佛六者離微七者多寶八者同一塔坐塔者亦現如來舍利住持故量者方便亦現一切佛土清淨莊嚴是出世間清淨無漏善根所生非是世間有漏

妙法蓮華經論卷下 第七上 然

善根之所生也略者亦現多寶佛身一體攝取一切諸佛真法身故住持者亦現諸佛如來法身自在力故亦現無量佛者亦現彼此所作諸業無差別故速離穢者亦現一切諸佛國土平等清淨故多寶者亦現一切諸佛國土同實性故同一塔坐者亦現化佛非化佛法佛報佛等皆為成大事故自此已下亦現法力持力修行力應知

法力者五門亦現一者證門二者信門三者供養門四者聞法門五者讀誦持說門

弥勒菩薩品中亦現四門常精進菩薩品中亦現一門弥勒菩薩品中四法門者一是證門如經我說是如來壽命長遠時六百八十万億那由他恒河沙等衆生得無生法忍故此言無生法忍者所謂初地證智應知八生乃至一生得阿耨多羅三藐三菩提者謂證初地菩提法故八生一生者謂諸凡夫決定能證初地故隨力隨分八生乃至一生皆證初地故此

妙法蓮華經疏卷下 第三十 處

言阿耨多羅三藐三菩提者以離三界分段生死隨分能見真如法性名得菩提非謂究竟滿足如來方便涅槃也
二是信門如經復有八世界微塵數衆生皆發阿耨多羅三藐三菩提心故三供養門如經是諸菩薩摩訶薩得大勝利時於虛空中雨曼陀羅華如是等故四聞法門如隨喜品所說應知

常精進菩薩品中一法門者謂讀誦解說書寫等得六根清淨如經若善男子善女人受持法華經若讀若誦若解說若書寫是人當得八百眼功德次第乃至得千二百意功德故此得六根清淨者謂諸凡夫以經力故得勝根用未入初地菩薩正位此義應知如經以父母所生清淨肉眼見于三千大千世界如是等故又六根清淨者於一一根中悉能具足見色聞聲辨香別味覺觸知法諸根不用此義應知眼所見者聞香能知如經釋提桓因在勝殿上五欲娛樂乃至

妙法蓮華經疏卷下 第三十 處

說法故聞香知者此是知境以鼻根知故持力者有三法門亦現持力如法師品安樂行品等廣說法力如經應知其心決定知水必近者受持此經得佛性水成阿耨多羅三藐三菩提故修行力者五門亦現一者說力二者行苦行力三者護衆生諸難力四者功德勝力五者護法力說力者有三法門神力品亦現一者出廣長舌令憶念故二者謂聲教聲說偈今聞故今聞聲已如實修行不放逸故三者彈指覺悟衆生令修行者得覺悟故行苦行力者藥王菩薩品亦現

又行苦行力者妙音菩薩品亦現教化衆生故護衆生諸難力者觀世自在菩薩品陀羅尼品亦現功德勝力者妙莊嚴王品亦現二童子依過去世功德善根有如是力故護法力者普賢菩薩品及後品亦現
又言受持觀世自在菩薩名号若人受持六十二億恒河沙等諸佛名号福德等者有二種義一者信力故二者畢竟知故信力者有二種一者我

妙法蓮華經疏卷下 第三十 處

遺教經論一卷

天親菩薩造

真諦三藏譯

虛

身如彼觀世自在無異畢竟信於二者謂於彼生恭敬心如彼功德我亦如是畢竟得故畢竟知者謂能決定知法界故言法界者名為法性彼法性者名為一切諸佛菩薩平等法身平等身者真如法身初地菩薩乃能證入是故受持六十二億恒河沙等諸佛名号有能受持觀世自在菩薩名号所得功德無差別

第一序品亦現七種功德成就第二方便品有五分亦現破二明一餘品必向處分易解

甲辰歲高麗國上藏都監奉
勅雕造

妙法蓮華經疏卷下 第三三藏七位

頂礼三世尊無上功德海哀愍度眾生是故我歸命清淨深法藏增長修行者世及出世間我等皆南無我所建立論解釋佛經義為彼諸菩薩令知方便道以知彼道故佛法得久住滅除凡聖過成就自他利

此修多羅中建立菩薩所修行法有七分一序分二修集世間功德分三成成就世間大人功德分四顯示畢竟甚深功德分五顯亦入證決定分六分別未入上上證為斷疑分七離種種自性清淨無我分

釋迦牟尼佛初轉法輪度阿若憍陳如最後說法度須跋陀羅所應度者皆已度訖於娑羅雙樹間將入涅槃是時中夜寂然無聲為諸弟子略說法要

論曰初序分修多羅顯亦利益成就畢竟故是中成就畢竟有六種功德

一法師成就畢竟功德二開法門成就畢竟功德三弟子成就畢竟功德四大總相成就畢竟功德五因果自相成就畢竟功德六分別總相成就畢竟功德

初成就畢竟有三種相一總相二別相三總別相總相者如經牟尼故別相者如經釋迦故總別相者佛故是中釋迦者亦現化眾生巧便故復家姓尊貴故牟尼者一切諸佛功德故復亦自體清淨故開法門成就畢竟功德者有二白淨法句一道場白淨法句二涅槃白淨法句以此二白淨法前後二句說亦轉說義應知道場白淨法者如經初轉法輪故涅槃白淨法句者如經最後說法故弟子成就畢竟功德者亦能受持二種白淨法門故成就自利益行故顯現如來快說法門功德故如經度阿若憍陳如故度須跋陀羅故此二句修多羅亦八種成就故

云何為八謂二種受持成就故二種白淨法門成就故二種自利益行成

遺教經論 第三三藏 七位